

**Eqqartuussissuserisut eqqartuussissuserisutullu fuldmægtigit
ingerlaavartumik pinngitsooratik ilinniaqqittarnissaat pillugu
nalunaarutip Kalaallit Nunaannut atuuttup allanngortinneqarnera
pillugu nalunaarut**

§ 1

Eqqartuussissuserisut eqqartuussissuserisutullu fuldmægtigit ingerlaavartumik pinngitsooratik ilinniaqqittarnissaat pillugu nalunaarummi Kalaallit Nunaannut atuuttumi nr. 1366-imi, 16. december 2009-meersumi imaattunik allannguisoqarpoq:

1. § 2-mi imm. 2-tut ilanngunneqassaaq:

»*Imm. 2.* Taamaattorli eqqartuussissuserisut eqqartuussissuserisutullu fuldmægtigit inatsisilerituutut kandidatitut 1. januar 2010 sioqqullugu soraarummeerlutik angusisimasut peqataappata aammalu tunngaviusumik ilinniartitaanermi peqataaneq eqqartuussissuserisutut ivertinneqarnissamut piumasaqaataangippat taamatut peqataaneq ilinniaqqinnertut naatsorsuunneqarsinnaavoq.«

2. § 3-mi imm. 3-tut ilanngunneqassaaq:

»*Imm. 3.* Atortut elektroniskiusut atorlugit imaluunniit qarasaasiaq assigisaanik atorlugu ilinniartitsineq ilinniaqqinnertut isigineqarsinnaavoq, aalajangersakkami matumani aammalu § 2-mi piumasaqaatit naammassineqarsimappata. Piffissaq atortut elektroniskiusut atorlugit pikkorissarnermi peqataasunut ilinniartitsisumit atorneqartoq ilinniartitsinermik ingerlatsinertut naatsorsuunneqarsinnaavoq, tak. § 5.«

3. § 4, imm. 2, ima oqaasertalerneqassaaq:

»*Imm. 2.* Eqqartuussissuserisut eqqarsaatigalugit 1-imi piffissaq ukiunik pingasunik sivissuseqartoq taaneqartoq siulleq ivertinneqarnerup kingorna qaammatip tulliuttup aallaqqaataanit atuutilersutut naatsorsuunneqartarpoq, taamaattorli siusinnerpaamik ulloq 1. januar 2010-mit aallartittumik. Eqqartuussissuserisutut fuldmægtigi eqqarsaatigalugu piffissaq ukiunik pingasunik sivissuseqartoq siulleq eqqartuussissuserisutut fuldmægtigit akuerisaanerup kingorna qaammatip tulliuttup aallaqqaataanit atuutilersutut naatsorsuunneqassaaq, taamaattorli siusinnerpaamik ulloq 1. januar 2010-mit aallartittumik.«

4. § 6-ip kingornagut ilanngunneqassaaq:

»Kapitali 3 a

*Eqqartuussissuserisutut piareersimasuni allaffinnilu inatsisitigut siunnersuisarfinni
siunnersuisarneq*

§ 6 a. Eqqartuussissuserisutut piareersimasuni allaffinnilu inatsisitigut siunnersuisarfinni nammineq piumassuseq tunngavigalugu siunnersuineq eqqartuussissuserisunit fuldmægtiginit aningaasarsiutaangitsumik ingerlanneqartoq ilinniaqqinnertut § 2-mi ilaatinneqartutut naatsorsuunneqassaaq:

- 1) eqqartuussissuserisutut piareersimasooq allaffilluunniit inatsisitigut siunnersuisarfik tapiiffigineqarsinnaatitaappata, tak. Kalaallit Nunaanni eqqartuussisarnermik inatsimmi § 84, imm. 5,
- 2) § 3, imm. 1, nr. 1-imi piumasaqaat naammassineqarsimappat, aammalu

3) pineqartup peqataaneranut tamatumalu annertussusianut uppersaammik allataasumik allaffimmit inatsisitigut siunnersuisarfimmit imaluunniit eqqartuussissuserisutut piareersimasup aqutsisunit tunniunneqartumik peqarpat.

Imm. 2. Taamaattorli siunnersuineramik ingerlataqarneq § 4 naapertorlugu piffissani ukiunik pingasunik sivisussusilinni tamani annertunerpaamik ilinniartitsineri immikkoortunut 18-inut akuerineqarsinnaavoq.«

5. § 7 ima oqaasertalerneqassaaq:

»§ 7. Eqqartuussissuserisoq eqqartuussissuserisorisutulluunniit fuldmægtigi piffissap ukiunik pingasunik sivisussusillip § 4-mi taaneqartup ingerlanerani eqqartuussissuserisutut inuussutissarsiornermi pingaaruteqartumut ikinnerpaamik 54-inik immikkoortulimmi ilinniaqqinnissamik piumasaqaat sinnerlugu naammassippassuk ilinniarnermi immikkoortut sinneruttut piffissamut ukiunik pingasunik sivisussusilimmut tulliuttumut nuussinnaavaat.

Imm. 2. § 6 naapertorlugu siunnersuineramik ingerlataqarneq piffissamut ukiunik pingasunik sivisussusilimmut tulliuttumut nuunneqarsinnaanngilaq.«

6. § 12 atorunnaarsinneqarpoq.

7. § 14-ip kingornagut ilanngunneqassaaq:

»§ 14 a. Pinngitsoorani ilinniaqqinnermi eqqartuussissuserisutut inuussutissarsiornermi pingaaruteqartumi peqataanissamut piumasaqaat eqqartuussissuserisumit naammassineqanngippat piffissap Advokatrådip aalajangersagaata iluani ilinniaqqinnermik ingerlatsinissamik pineqartoq Advokatrådip peqqusinnaavaa.

Imm. 2. Pinngitsoorani ilinniaqqinnermi eqqartuussissuserisutut inuussutissarsiornermi pingaaruteqartumi peqataanissamut piumasaqaat eqqartuussissuserisumit fuldmægtigimit naammassineqanngippat, eqqartuussissuserisup fuldmægtigip aqutsisua Advokatrådip peqqusinnaavaa piffissap Advokatrådimit aalajangersarneqartup iluani eqqartuussissuserisoq fuldmægtigi ilinniaqqinnermik ingerlatseqqullugu. Tamatumunnga aningaasartuut aqutsisumit akilerneqassaaq.

Imm. 3. Imm. 1 imaluunniit 2 malillugit piffissaliussap piffissami ukiunik pingasunik sivisussusilimmi tulliuttumi ilinniaqqinnissamut piumasaqaatit nalunaarummi matumani §§ 2-4 malillugit piumasarineqartut sunnissanngilai.«

§ 2

Nalunaarut manna ulloq 1. august 2011 atuutilerpoq.

§ 3

Tungaviumik ilinniartitaanermi pikkorissarnerni peqataanerit, tak. eqqartuussissuserisut eqqartuussissuserisutullu fuldmægtigit ingerlaavartumik pinngitsooratik ilinniaqqittarnissaat pillugu nalunaarummi Kalaallit Nunaannut atuuttumi § 2, imm. 2, nalunaarummi matumani § 1, nr. 1-imi oqaasertalerneqartut, atortut elektroniskiusut atorlugit ilinniartitsineri peqataanerit, tak. eqqartuussissuserisut eqqartuussissuserisullu fuldmægtigit ingerlaavartumik pinngitsooratik ilinniaqqittarnissaat pillugu nalunaarummi Kalaallit Nunaannut atuuttumi § 3, imm. 3, nalunaarummi matumani § 1, nr. 2-mi oqaasertalerneqartut, aammalu eqqartuussissuserisutut piareersimasuni allaffinnilu inatsisitigut siunnersuisarfinni siunnersuisarnerit, tak. eqqartuussissuserisut eqqartuussissuserisutullu fuldmægtigit ingerlaavartumik pinngitsooratik

ilinniaqqittarnissaat pillugu nalunaarummi Kalaallit Nunaannut atuuttumi § 6 a, nalunaarummi matumani § 1, nr. 4-mi oqaasertalerneqartut, piffissami 1. januar 2010-p kingorna ingerlanneqarsimasut piunasaqaatit naammassineqarsimappata ilinniaqqinnertut naatsorsuunneqarsinnaapput.

Inatsisinik atortitsinermut Ministeriaqarfik, ulloq 20. juli 2011

LARS BARFOED

/ Cristina A. Gulisano